



Von handthabung vnd verthedigung der Hoheit.

Fürner sollen unsere

Ambtleuth vnd Beuelhaber unsere Foe-
ren/ Peele/ Landtwerne/ Gerichtschwang/ vnd alle
andere unsere hoheit/ herlichkeit vnd gerechtigkeit trewelich ver-
waren/ handhaben/ verthedingen/ vnd auff keinen enden vermin-
dern/ verendern/ oder von jemandt vnderziehen lassen. Wie auch
der Landtwehren halben in vnser Policen Ordnung am sechzi-
gsten blat die notturfst/ welcher gestalt es damit zuhalten/ fer-
ner versehen.

Keine newerung zu abbruch der Hoheit zugestatten.

Sollen auch nit gestatten/ das von anderen eini-
che newe Hoheit/ Gericht/ Gerichtschwang/
antast/ gebot/ verbot/ kommer/ bruchten/ oder
auch einiche windt/ wasser oder andere Mülen/
Schloß oder beueftung in vnsern Ambten ge-
macht/ oder mit vischen/ jagen/ qwellen/ Kotzehenden/ Berch-
werck/ oder sunst einiche newerung furgenommen werde/ die
vns/ vnsern Erben vnd nachkommelingen/ oder vnsern Vnder-
thanen im einichem theill oder manieren abbruchlich oder zu
nachtheill sein mochte/ es were dann alles mit vnserm/ vnser
Erben vnd Nachkomlingen furwissen vnd zalassen/ Das
von jnen vnser schriftlich beuelch oder schein furbracht wurde.

xcij

Souern sy auch vernemen künden / das in allem vorgerurten / oder andern / zu abbruch vnser hoheit vnnnd gerechtigkeit ingegriffen were/oder wurde / Darnach sollen sy eigentliche erkundigung thun/vnd solichs mit allem fleiß vnd irer macht vnderstän wider hezubringen / vnd da sy solichs nit vermöchten / vns fürderlich mit allem bericht zuerkennen geben.

Niemand mit gewalt vnd vnrecht
in das sein zugreifen.

Inwiderumb aber sollen sy auch niemand mit gewalt vnd vnrecht in das sein greiffen / sonder allen vnwillen vnd gezene / mit den nachbarn vnd anderen / sovil möglich / vermeiden. Wo sy aber von vnser wegen fueg vnd Recht hetten / solichs mit gueter fuegen vnd manieren verthedingen / vnd nit gestatten oder zuschen / das wir auß vnserm alten gebrauch gebracht / ingriff oder newung geschehe.

Die vnderthanen bey gueten gewonheiten /
altem herkomen vnd freyheiten zu halten.

Aleichßfals sollen sei vnser vnderthanen / bey gueten gewonheiten / altem herkomen vnd freyheiten halten / wie sich geburt.

Von den Zollen.

Vnsrer Zöll halber sollen sy daran sein / das die nit entfür / oder vmbwege gebraucht / Auch mit Ordnung / vermöge vnser Zöllner beuelch / auffgehaben werden.

Wie es zu halten mit den guetern so gestölen / bey den todten gefunden / oder da schiffbruch geschehen.

Zu

Sodem sollen sy auffſicht haben / das niemandt die gueter so geſtolen / bey den todten gefunden / oder da ſchiffbruch geſchiet were / ohn jr erlaubnuß anſange. Es ſollen auch gerurte vnſere Ambtleute vnnnd Beuelhaber ſolich guet von vnſert wegen in gueter gewarſam anhalten / ohne des zugenieſſen oder verbringen zu laſſen / Sonder von vns daruber beuelchs zugewartten.

Vertheidigung der hocheit mit den Baſtarts vnnnd unbekanten / auch gefunden gutern.

Eleichſfalß ſollen ſey daran ſein / das vnſere hocheit vnd gerechtigkeit mit den Baſtarts vnnnd unbekanten / auch gefunden gutern / verwart vnnnd vertheidigt werde / Wie in vnſer außgangener Rechts Ordnung am Achtzigſten blat derhalben auch zum theil meldung geſchehen.

Wie es zu halten da der hocheit vnd gerechtigkeit halber Irthumb furhanden / oder kunſtiglich zubeforgen.

In einichem ort oder theil / der hocheit vnd gerechtigkeit halber jetzundt irthumb furhanden / oder kunſtiglich zubeforgen were / Sollen vnſere Ambtleut vnd Beuelhaber ſich bey den alten / vnd andern die es wiſſen mogen / erkundigen / in vnſer Kanzley anzeigen / vnnnd nach rath / zeugen zu kunſtiger gedechtnuß furen laſſen.

Von haltung beleidts oder beſichtigung.

Iſfall auch einich beleidt oder beſichtigung zuhalten von nöthen / Mogen gerurte vnſere Ambtleut vnnnd Beuelhaber nach gelegenheit vns oder vnſern verordneten Rethen zuerkennen geben / vnd wann nötig / inen jemandts zuzuordnen begeren.

Von

Von vhelicheit der strassen.



Es soll durch vnser Ambtleut vnd Beuelhaber fleissig auffsieht geschehen / das die strassen vhelig gehalten / vnd niemand des seinen vergewaltigt oder beraubt werde.

Wie die gefengknussen oder hafftungen zuuersorgen.



Unsere gefengknussen oder haffnungen sollen sy dermassen versorgen / vnd da es von nöten / mit furwissen vnser / vnd der jenigen denen dieselbige zu underhalten geburt / also bessern vnd erbaun / das die gefangen sicherlich verwart / aber doch bequemlich gehalten / vnd nit verderblich werden.

Den Schatz nit verduncklen zulassen.



Ich auffsieht zuhaben / das vnser Schatz nit verdunckelt / vnd niemands dauon außgezogen oder verschont / noch andere damit beschwert werden. Vnd nachdem wir in erfahrung kommen / das etliche von der Ritterschafft / vnd andere freien / schatz vnd dienstgueter an sich werben / vnd dieselbige folgendes gleich andern iren gutern frey zuhalten vnderstan sollen / Welches sich dan nit geburt / so da durch nit allein vns vnser dienst entzogen / dan auch vnser vnderthanen mit dem ständigen Erbschatz desto höher beschwert werden.

So sollen vnser Ambtleut vnd Beuelhaber dasselbig hinforter nit gestatten. Welche Ritterschafft vnd freien auch inwendig den nechsten dreissig iharen solliche schatz vnd dienstgueter an sich erworben / sollen dauon iren geburlichen schatz vnd dienst zuleisten gefordert vnd angehalten werden.

Wie

Wie es mit den diensten zuhalten:

xcij

Sovil unsere diensten belangt / gleichsalsz daran zusein / das die nit verdünckelt / auch bey vnsern vnderthanen damit geleichheit gehalten / vnnnd der einer desz falsz höher oder weither nit als der ander / beschwert werde. Wie auch unsere Ambtleut vnd Beuelhaber selbst / sonderlich aber in dem Arn vnnnd in der saet / unsere vnderthanen nit beschweren / bitten / noch anmüeten sollen / inen mit wagen / pferden oder sunst zudienen.

Von verthedingung der Kurmöden.

An vns einiche Kurmöden verfallen / sollen dieselbe vbermitz das Gericht / oder zum wenigsten inn beisein zweier Scheffen / Hoffsleute oder Laeten verthedingt / vnnnd durch unsere Beuelhaber auff der Rechenschaft ein zettel vbergeben werden / darinnen angezeichnet / wievil Kurmöden das jahr gefallen / wie die verstorbene geheischen / vnnnd was guetern sy die geben / vnnnd welche widerumb damit behendet oder belhendt sein.

Zu inbringung des schatz / gult / renthen vnd verfelle / den Beuelhabern beiredig vnnnd behilfflich zu sein.

Unsere Ambtleut vnnnd Beuelhaber sollen vnsern Rentmeistern vnd Botten beiredig vnd behilfflich sein / damit vnser schatz / gult / renthen vnd verfelle außgefordert / zu vnserm meisten nutz gewandt vnd angelacht / vnnnd so inen einiche widerwertigkeit begegnet / dieselbige abgestalt werde.

R

Den

Den Beuelhabern in iren gebrechen guten
rath/furderung vnd hilff mitzutheilen.

Wie auch vnser Ambtleuth vnsern Vögten/
Richtern/Schultheissen/Kelnern/Kentmei-
stern/vnd andern vnsern dienern/da denselbē
sunst einiche gebrechē vnser sachen belangent/
furfallen wurden/auff ihr ansuchen (welches
in allweg furhin vnd ehe solichs von denselben an vns gelangt/
beschehen soll) iren guten rath/furderung vnd hilff mitzutheilen/
vnd in dem sich trewlich vñ nach irer bester verstendtnuß zuerzei-
gen/ Als sie gleichßfals in iren anliegen vnd gebrechen/ vns vnd
vnser sachen berürent (da sich die gelegenheit dermassen begibt)
mit gerürte Beuelhabern sich der noturft nach besprechen mögē.

Von quellung der wilden wasser. 2c.

Es sollen auch vilgedachte vnser Ambtleute vnd
Beuelhaber mit vleiß daran sein/ das die wilde
wasser auß iren flüssen one erlaubnuß vnser/oder
derjenigen die es von vns haben/ nit gequelt noch
getrunken werden/ Die es auch fueg oder gerech-
tigkeit habē/nit zu vngewöhnliche zeiten oder maniern gebrauchē.

Das niemandt den andern vertrencke oder verdruige.

Das ein jeder das wasser wider in den alten fluß bringe auff
dem seimen/oder mit willen derjenigen/da es vber gehet.

Auffrechte vertrege zu halten.

Alle auffrechtige vertrege sollen gehalten/vnnd so
sie gebrochen/die peen gefurdert werden/ wie inn
vnser Polic y Ordnung am achtvndsiebenzigsten
blat auch versehen.

Die geböder zu volnziehen.

Auffsicht zuhaben/ das vnser geböder ins gemein
oder sonderlich gehalten/vnd nit vbertreten wer-
den.

Von

Von außwerffen oder versetzen der Peele.

xcv

Dergleichen das durch niemand einliche Peele/ ohne furwissen vnnnd verwilligung der jenigen/ die es angehn möchte/ auß geworffen oder versetzt werden.

Straff deren / so gegen vorgesezte artickel handeln.

Sinn den vorgesezten negsten vier articulen jedmands vberfarung thette/ Sollen vnser Ambtleut vnd Beuelhaber dieselbige darumb furnemen vnd straffen / auch vnsern Bruchtenmeister vnnnd Landtschreiber anzeigen.

Die vnderthanen fur vngiburliche beschwerung vnd gewalt der vergaderungen / durchzug/ herrenlosen knecht / vnd andere dergleichen beschwerden zuuerthedingen.

Wanne in vnserm absein einliche vergaderungen/ durchzug/ herrenlosen knecht/ oder andere dergleichen beschwerden sich zutragen wurden/ Sollen vnser Ambtleut vnd Beuelhaber vnser vnderthanen fur vngiburliche beschwerung vnd gewalt/ souil an inen/ schutzen vnd verthedingen helfen.

Den ordnungen so allbereit außgangen/ vnnnd kunfftig ferner außgahn mögen/ allenthalben fleissich nachzusehen.

Aß wir hievor ein Rechts ordnung/ oder Reformation der Gerichter / Dergleichen ein Ordnung vnnnd neben beuelch vnser Lehen guter belangen / vnnnd wie es damit zuhalten/ inn druck gegeben vnnnd verkündigt / Volgents

R

ij

auch

xcvj

auch der Hoffsgerichter vnd Laetbenck halber sichere maß vnd Ordnung allen vnsern Ambtleuten vnd Beuelhabern zugeschrieben / Zudem newlich vnser vorig Edict / mit etlich wenig verendungen nochmals publiciren / darben ein sonderer Policeny Ordnung verassen / vnd darinnen noch ferner notwendige / vnd zu gemeinem nutz dienliche articull stellen lassen / So sollen unsere Ambtleut vnd Beuelhaber sich vorgemelter Rechts vnd Lehen ordnung / der gleichen der Hoffsgerichter vnd Laetbenck halber außgegangen beuelchs / wie auch vorgesehtes vnser Edicts vnd Policeny ordnung / erinnern / denselben alles ires inhalts / vnd wes wir dergestalt ferner für Ordnungen auffrichten / nachkommen / auch mit trewen fleiß darauff sehen / das denen allenthalben gelebt / vnd nit gesaumt / noch darwider gethan oder gehandelt werde. Vnd so jemandt dargegen zu thun vnderstahn wurde / sollichs abschaffen / das vngehör straffen / vnd niemandt darinnen vbersehen. Da sy dasselbig aber nit vermöchten / vnsaumlich vns / oder vnsern dazu verordenten Rethen schriftlich zuerkennen geben / vnser beuelchs zugewartten / vnd doch mitler weil souil an jnen / wheren vnd verhueten. Damit auch niemand vnwissenheit halber sich zubeklagen / sollen sy auff allen vngebotten gedingen / da aber der keins gehalten / zu allen vier Monaten vnser Edict vnd Policeny Ordnungen / öffentlich verlesen lassen / wie zu ende derselben vbersehen / vnd ferner vermeldt ist.

Wes zuthun oder zubestellen / geschrieben oder
sumst beuolhen / dasselbig vnnachlessig
aufzurichten.



Annehe auch vnsern Ambtleuten vnd Beuelhaberen ichtwes zuthun oder zubestellen geschrieben / oder sumst beuolhen / sollen sy dasselbig vnnachlessig außrichten / oder so redliche vrsachen fürhanden / warumb sy es nitt thun khündten / anstundt vberschreiben / bescheidts zugewartten.

Da

Da die Pastor verstorben / oder abkomen / das
furderlich andere bequeme angestalt werden.

Seiniche durch vns / oder andere Collatoren an-
gesetzte Pastor verstorben / oder sunst abkommen
wurden / Sollen unsere Ambtleut vnd Beuel-
haber vns die gelegenheit alsbaldt verstendigen /
damit wir da es vns gebürt / andere bequeme fur-
derlich anstellen / oder aber andern die solliche Kirchen zuuerge-
ben / derwegen schreiben / vnd ire presentirten irer lehr / lebens
vnd wandels halben vnderfragen lassen mögen.

*Si de canonicis
debet laicus
patronus intra
quintiduum man-
fas presenta-
re, Eccl. dist.
c. i. intra sex
cap. v. m. c. et
de iura patronat.
in sexto.*

Da vicarien erledigt / die gelegenheit
zuerkennen zugeben.

Wesey gleichsals / was Vicarien deren wir
giffter / jederzeit fellig / vns zu berichten / auch
fleissig auffmerckens zuhaben / damit kein
Vicarien verdünckelt / noch die nutzbarkeit in
andere wege / ohn vnser furwissen gewandt
werde.

Welliche zu bedienung der Pfarckirchen
zugestatten oder nit.

Eben dem sollen sie fleissig auffsieht haben / das
an den orten / da die giffte oder collation der
Pfarckirchen andern zusicht / zu bedienung der
selben keiner zugelassen werde / er sey dan nutz
vnd bequem dazu befunden / zu dem willig /
die selbige Kirch eigener person zu bedienen . Wie es auch mit
den Vicarien / so in crafft irer fundation personliche residentz er-
fordern / zuhalten. Imfall aber die jenigen so bequem befunden /
vñ dergestalt zubedienung der Kirchen zugelassen / folgendts bey
der personal bedienung nit bleiben / oder ir leben ergern / vnd wie
fromen Christlichen seelsorgern wol ansteht vnd gebürt / sich nit
halten wurden / Sollen unsere Ambtleut vñ Beuelhaber solichs

(es seien dieselbe durch uns oder andere presentiert) auff's furderlichst mit allem bericht zuerkennen geben/ vmb notturfftig einsehens derwegen furzunemen vnd geschehen zulassen.

Den Pastoren so in corporirte Kirchen bedien
nen / vnd mit genugsamer competenz
mit versorgt / darzu zuuerhelfen.

Nachdem vil Kirchen so geringes inkommens sein/
das ein ehlich Mann sich darauff nit erhalten
mach / Derwegen offtmals kein geschickte Pres
diger vnd Pfarherren an sollichen orten zu be
kommen. Da dan dieselbige Pfarkirchen / vnd
deren auffkumbsten / den Stifften / Glöstern oder andern incor
porirt / Sollen gerurte vnser Ambtleut vnd Beuelhaber vns
die gelegenheit mit allem notturfftigen bericht verstendigen/
vmb bey den jenigen wellichen solliche incorporaciones in vori
gen zeiten vergunt / daran zusein / vnd dieselbige zuerfordern/
gemelten Pastoren ein ehlich vnd zimlich hinkommens vnd
competenz zu zuordnen

Die Sendt ierlichs halten zulassen.

Es sollen auch zu auß rottung der bößheit / sun
den / laster vnd schande / vnser Ambtleut vnd
Beuelhaber daran sein / das die Sendt an allen
ortern ierlichs vermog vnser hievor außgangener
Ordnung vnd beuelchs gehalten/kein gotslesterig
vnd vnechlich leben vnd handel/ als Ehebrecheren / die mit
iren verwanten sich anlegen / offenbare hureren / kuppellerey/
fluchen vnd schwören/obelhaltung vnd beschwerung der elteren/
wuecheren/ betriegeren / wicheley/ warsagen / beschwören vnd
zauberen/ auch kein wissentliche auffenthalter vnd fürderer sol
licher vnd dergleichen laster vnd schande/ gestattet/ sonder diesel
be mangel vnd gebrechen genzlich abgeschafft/ gebessert/ vnd die
obertretter wie sich gebürt gestrafft werden.

xcix

In beschwerlichen bedenklichen sachen/oder
dauon nit gnugsam bericht vorhanden/
rath zubegeren.

Damit unsere Ambtleut vnd Beuelhaber allen ob
gemelten Articulen desto besser vnd bestendiger zu
geleben/ Sollen sy jeder zeit/ da inen etwas be-
schwerlichs vnd bedenklichs/ oder dauon sy nit
gnugsamen bericht hetten/furfallen wurde/vns/
vnd in vnserm abwesen/vnsern Rethen bei der Kanzley/die gele-
genheit zuschreiben vnd verstendigen/vnnd also derselben gutbe-
duncken vnd rath/ wie den sachen zuthun/ begern/vnnd beuelchs
erwarten.

Das ein jeder sein Ambt ehrbarlich
vnd trewlich bediene.

Eschliesslich sollen unsere Ambtleuth vnd Beuel-
haber unsere Ambter zu vnserm mehren nutz vnd
besten/ auch beschutzung vnnd beschirmung vnser
Vnderthanen/ erbarlich vnd trewlich bedienen/
handhaben vnd verthedingen/vnd sich in solchen
ihren dienste halten/ als getrewen Ambtleuthen/Dienern vnnd
Beuelhabern zuthun gebürt. Gegeben zu Dusseldorff
vnder vnserm hierauff getruckten Secretsiegell
am letzten tage Octobris/Anno funffze-
henhundert vnd im achtvnd
funffzigsten.



[Faint, illegible text, likely bleed-through from the reverse side of the page. The text is arranged in several paragraphs.]